

Script of Morning Gojri News Bulletin 19 November 2024 at 1015Hrs

ما رنینگ گو جری نیوز بلیٹن مورخہ 19 نومبر 2024

یوہ آکاشوانی جموں ہے باغ علی طاہرتیں خبر سنو۔

PM Modi

وزیر اعظم نریندر مو دی نے گروپ 20 ملکاں غی برازیلی صدارت غی طرفوں راپوڈی جناریو مانہ اس عالمی اتحاد نانہ پکھ تے غریبی غے خلاف استعمال کرن غا اقدام غی سراہنا کی ہے۔ اپنا اک سماجی میڈیا پیغام مانہ جناب مو دی غو کہنو تھو جے اس اجتماع غی اقدام سنگ خوراک تحفظ تے عالمی سطح ور کمزور طبقات غی بھلائی بہتری نانہ یقینی بنان غی کوشش کی جا سکیں گی۔ انہاں نے اس کم واسطے بھارت غا مکمل تعاون غو یقین دوايو ہے۔ وزیر اعظم نے اس موقعہ ور برطانیہ، اٹلی، فرانس، ناروے، پرتگال تے انڈونیشیا سمیت بکھ بکھ عالمی لیڈراں سنگ ملاقات وی کی۔ رانیوڈی جناریو مانہ ہون آلی اس عالمی کانفرنس غے دوران انہاں نے ان لیڈراں سنگ آپسی تعاون نانہ مضبوط بنان بارے غو رکیو۔ دسیو گیو ہے جے گذشتہ رات وزیر اعظم نے اپنا برطانوی ہم منصب کیر سٹارمر سنگ اک مثبت ملاقات کی ہے۔

Mata Vaishno

اس سال ہن توڑی 86 لکھ تیں متا یا تریاں نے ماتا ویشنو دیوی غی گفا غا درشن کیا ہیں۔ مہارا آکاشوانی غا نمائندہ نے جانکاری دیتاں واں امید ظاہر کی ہے جے آئندہ دسمبر مہینہ غا اخیر توڑی 95 لکھ تیں متا یا تریاں نے ماتا ویشنو دیوی غا درشن کر لیں گا۔ گذشتہ سال غے دوران 95 لکھ تیں متا یا تریاں نے ماتا ویشنو دیوی غی گفا غا درشن کیا تھا۔ اس راہ یا تریاں غی تعداد مانہ ہر سال اضافو درج کیو جا رہیو ہے۔ ماہانہ اعدادو شمار غے مطابق تہواراں غا دنان مانہ یا تریاں غی تعداد مانہ خاطر خواہ بابدو ریکارڈ کیو جائے۔ تے اس سال چھڑا اکتوبر مہینہ غے دوران ہی 8 لکھ 74 ہزار 6 سو 57 یا تریاں نے ماتا ویشنو دیوی غا درشن کیا۔ اس راہ اس مہینہ غے دوران روزانہ 14 ہزار تیں 18 ہزار یا تریاں غی آمد ریکارڈ کی گئی ہے۔ جد کہ دیوالی تے دوجا تہواراں غے دوران روزانہ آن آلا یا تریاں غی تعداد 28 ہزار تیں 38 ہزار درج کی گئی ہے۔ یا تریاں غی تعداد مانہ بابدو ات موجود جدید سہولتاں غی وجہ نال وی بو رہیو ہے۔ ان سہولتاں مانہ ماتا ویشنو دیوی بھون ور سکائی واک، تجدید شدہ پا روتی بھون، ڈرگا بھون، جدید اجتماع غی رسوائیں تے ریلوے رجیسٹریشن سینٹر شامل ہیں۔ اس توں علا وہ کٹڑہ بنیادی کیمپ ور اک جدید کال مرکز وی قائم کیو گیو ہے۔ جس ور روزانہ 2 ہزار 5 سو کال سنی جائیں تے یوہ مرکز 24 گھنٹہ کارگر رہ۔

Ramban Social Welfare

نو عمر بچاں بارے قانون ”جو وینائیل جسٹس ایکٹ“ غے تحت بچاں غی دیکھ بھال تے تحفظ غی خاطر محکمہ سماجی بہبود رام بن غی طرفوں منشیات غا استعمال تے بچہ مزدوری غے خلاف بکھ بکھ مہم چلائی گئی ہیں۔ اس موقعہ ور محکمہ نے تمام فریقاں غی اجتماعی کوششاں غی سراہنا کرتاں واں بچہ مزدوری غا خاتمہ تے رام بن مانہ ہر بچہ واسطے محفوظ ماحول پیدا کرن غی خاطر انتظامیہ غا عظم نانہ دہرایو۔ محکمہ نے ہر

شہری تین اپیل کی ہے جسے وے بچہ مزدوری کا واقعہ غی اطلاع 24 گھنٹا چلن آلی چائلڈ بلپ لائنیں ور دیں۔ تانجے ایسی بدعت غو ویلے سیر ازالو کیو جا سکے۔ اس سلسلہ مانہہ لوکاں مانہہ بیداری پیدہ کرن مانہہ رضاکاراں کا کردار غی وی محکمہ نے سراہنا کی ہے۔

IIT Jammu

آئی آئی ٹی جموں مانہہ انٹرنیٹ آف تھنیگس آوی ٹی تے روبوٹیکس کا جدید کاروبار ری مرکز کا قیام کا سلسلہ مانہہ انڈین انسٹیٹیوٹ آف ٹیکنالوجی آئی آئی ٹی جموں تے سافٹ وئر ٹیکنالوجی پارکس آف انڈیا ایس ٹی پی آئی سرینگر بشکا ر اک مفاہمت نامہ ور دستخط کیا گیا ہیں اور روبوٹیکس کا دائرہ مانہہ سٹارٹ اپس جدید کاراں تے کاروبار ریاں نانہہ اک پلیٹ فارم میسر آسکے گو۔ مرکزی سرکار غو مقصد ٹیکنالوجی ور مبنی کاروبار ر نانہہ بابدو دینو نالے بھارت کا ٹیکنالوجی ور مبنی نظام نانہہ فروغ دینو ہے۔

Jugal Kishore DISHA

جموں، سانہہ، ریا سی پا رلیمانی حلقہ کا ممبر پا رلیمنٹ جُگل کشور شرما نے کل ضلع ترقیاتی معاون تے نگران کمیٹی ”دیشا“ غی میٹنگ غی صدارت کی۔ میٹنگ غے دوران بکھ بکھ مرکزی سکیمیں تے ریا سی ضلع مانہہ جا ری ترقیاتی پروجیکٹاں غو تفصیلی جائزو لیو گیو۔ ممبر پا رلیمنٹ نے افسران سنگ اپنا خطاب غے دوران ریا سی ضلع غی مجموعی ترقی ور اطمینان ظاہر کرتاں واں کہیو جسے جُگل نواں پروجیکٹ تکمیل غے قریب ہیں۔ جن کا بقایا کماں نانہہ نیز تر بنیا داں ور مکمل کیو جا ئے گو۔ انہاں نے افسران نانہہ ہدایت کی جسے بقایا کماں نانہہ مقررہ مدت غے اندر مکمل کیو جا ئے۔ انہاں نے سڑکاں، تعلیم، صحت تے انجینئرنگ کا باقی کماں بارے خصوصی طور ور ہدایت کی ہے جسے ان کماں غی تکمیل کا سلسلہ مانہہ محکماں کا تعاون نانہہ یقینی بنایو جا ئے۔ تانجے ایسا پروجیکٹ ویلے سر مکمل کیا جا سکیں۔

Jawar Tunnel

بانہال نانہہ قاضی گنڈ سنگ ملان آلا پُرانا تاریخی جواہر ٹنل نانہہ تاواں ہی دوپا رہ گڈیاں غی آو جا ئی واسطے کھول دتو جا نیگو۔ اس ٹنل نانہہ مرمت کا کم غی وجہ نال بند کیو گیو تھو۔ آکاشوانی جموں کا نمائندہ نے جاتکا ری دیتاں واں دسیو ہے جسے سرحدی سڑک تنظیم بی آر او کا پروجیکٹ بیکان غے تحت گذشتہ سال کا جولائی مہینہ مانہہ اس ٹنل کا جدید کاری کا کم نانہہ شروع کیو گیو تھو۔ واضع رہ جسے 5 کلو میٹر لَمّا اس دوبرہ ٹنل نانہہ سال 1956 مانہہ تعمیر کیو گیو تھو۔ اس ٹنل غی جدید کاری غی خاطر 76 اعلیٰ معیار کا سی سی ٹی وی کیمرہ نصب کیا جان غے علاوہ سموک تے فائر سینسر اعلیٰ معیار غو آگ بجھان غو نظام، موٹر اکڑاسٹ فین تے بہتر روشنی نظام وی نصب کیو گیو ہے۔ آئندہ چند روز غے دوران اس ٹنل کا کم غی تکمیل غی اُمید کی جا رہی ہے۔ کیونجے ٹنل ہن بی آر او غے سپرد کیا جان واسطے تیار ہے۔

DC Doda SSP

ڈوڈہ کا ڈپٹی کمشنر ہر ویندر سنگھ نے ایس ایس پی ڈوڈہ سندپ کمار مہتا غے ہمراہ کھلینی غے نیڑے قومی شاہراہ نمبر 244 ور قائم لیبر کیمپ غو دورو لایو۔ اپنا دورہ غے دوران انہاں نے اس کیمپ مانہہ مزدوراں نانہہ متعلقہ ایجنسی غی طرفوں دستیاب کرائی گئی

سہولتاں غو معائنو کیو۔ ڈی سی موصوف نے اس موقعہ و ر اس پروجیکٹ ور کم کرن آلا کا
رکناں نانہہ دستیاب پین غا صاف پانی، صفائی ستھرائی تے خاطر خواہ رہا نشی سہولتاں غی
دستیابی غو معائنو کیو۔ انہاں نے متعلقہ تعمیراتی ایجنسی نانہہ ہدایت کی جے کا رکناں غا
تحفظ با رے ضابطاں غی مکمل پا سدا ری کی جا ئے تے اُن نانہہ درپیش مشکلات غا فوری
آزالہ نانہہ یقینی بنایو جائے۔

اس غے نال ہی خبراں غو یوہ بلیٹن ختم ہوؤ۔